



Cursa d'orientaziun attira blers curridurs

Bunamain 300 juniors da 38 naziuns èn gia s'annunziads per il campiunadi mundial a Scuol.

11



Cun in trenader da renum en il futur

Michael Greis ha cumenzà sia lavur sco trenader da biatlon da la regiun Svizra orientala.

13

südostschweiz

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

Renta da basa senza cundizuns: utopia u realitad?

■ (anr/ld) Ina iniziativa dal pievel pretenda ina entrada da basa nuncundiziunada per mintgin en Svizra. Surlonder sto il suveran dir ils 5 da zercladur proxim gea u na. Nagin quinta cun in gea dal pievel. Il cussegl federal Alain Berset ha considerà l'iniziativa sco ina utopia, il parlament federal recumonda in ferm na. Ma tuttina èsi reussi als iniziants d'evocar ina vasta discussiun davart il segirar nossas ovras socialas en l'avegnir en vi-

sta a la deindustrialisaziun e la digitalisaziun. Ils iniziants vulan dentant er ina discussiun davart l'organisaziun dal mund da lavur e da la vita privata en l'avegnir. Ina renta da basa senza cundizuns lubiss dapli libertad individuala. Oswald Sigg, l'antierur vicechancelier federal, s'engascha per l'iniziativa. L'Agentura da novitads rumantscha ha vuli cunuscher ses arguments.

> PAGINA 2

Academia «Land Art» en Val Stussavgia

■ (mc) «Land Art» ei ina fuorma d'art nua che las ovras artisticas vegnan creadas ora el liber cun nezegiar la cuntrada naturala sco object d'inspiraziun artistica. Il concept digl artist e scienziat d'art Johannes Hedinger preveda da realisar en Val Stussavgia ina «Alps Art Academy». Quella duei porscher mintg'onn plirs luvratoris d'art ella cuntrada per artistas ed artists internaziunals. In emprem cuors vegn ad haver liug dils 26 da

zercladur entochen ils 2 da fenadur en Val Stussavgia. Il davos di vegnan las ovras d'art creadas el luvratori presentadas alla publicitad. En quei connex vegn realisau ina carta d'art ed installau in center d'informaziun ed ina pintga biblioteca el hotel Alpenblick a Tennena. A prender part vegnan rodund 30 participonts che derivan da 20 naziunalitads.

> PAGINA 9



Questa stad han plirs luvratoris davart «art en la cuntrada» liug en Val Stussavgia. FOTO F. MINELLI

Il Chor Cantus Firmus sils fastitgs da nossas ragischs musicalas

■ (anr/ff) En treis concerts en treis regius dalla Romontschia han il dirigent Clau Scherrer e siu Chor Cantus Firmus delectau in publicum a moda profunda. Profundas ein nossas ragischs musicalas artisticas e quellas ha il concert ragischau puspei inagada en produziun cantica e musicala. Ils musicists engiadines Domenic e Curdin Janett ein semess en retscha cun cantaduras e cantadurs dil Cantus Firmus. Lur presenta-

ziun da nossa musica ha fatg effect profund als presents e demussau tgei rihezia che schai ella ierta digl art musical romontsch. Ils protagonists ein ils administrators da quei relasch ed els meretan in grond engraziament per lur engaschament. Il disc cumpact che ensiara l'entira presentaziun vegn a legrar aunc biars amitgs dalla musica e dil cant romontsch.

> PAGINA 7

Ina giada dapli sper il Grischun vi

Il Grischun ha fadia da retschaiver in attractiv access sin il binari

DAD ANDREAS CADONAU

■ Saja quai il Lötschberg u il nov tunnel dal Gottard. Il Grischun resta ina giada dapli da la vart puncto access sin il binari. Sa lamentar na vul la politica grischuna dentant betg. Las festivtads per l'avertura dal tunnel dal Gottard mettan la Svizra en ina glisch da pionier gist en il context europeic. L'egliada grischuna resta in pau sceptica, sco quai ch'il cusseglier dals chantuns Stefan Engler ha concedi. La segunda giada entaifer 200 onns retscheiva il Grischun la rolla dad aspectatur enaquella che la Svizra sa proflescha cun ina nova colliaziun tranter il nord ed il sid. Sa lamentar na vul il cusseglier grischun dals chantuns dentant betg. El ha menziunà la solidaritad svizra vers auters projects grischuns e quinta che quella solidaritad funcziunava era vinavant e vesa differents basegns d'investiziun en il chantun Grischun en l'infrastructura da traffic. Engler è persuadi ch'els chantuns Tessin ed Uri vegnian a profitar da la nova Viafier transalpina. La dumonda



La Surselva ha profità da las lavurs da construcziun da la nova Viafier transalpina. KEYSTONE

saja dentant quant durabel che quel profit saja. Profità da la construcziun da la Viafier transalpina ha en la Cadi en spezial la vi-

schnanca da Tujetsch ils davos 20 onns. Il temp sunter las lavurs da construcziun da la Neat valitescha il nov president communal

Beat Röschlin per dir per la vischnanca tuatschina.

> PAGINA 3

2,8 milliuns gudogn per Energia alpina

■ (anr/hh) Igl onn da fatschenta 2015 ha l'Energia alpina fatg ina sviulta da rodund 9,7 milliuns francs. Il cash flow munta biebein 2,8 milliuns francs. Sin fundament da quei quen favoreivel ha l'interpresa ch'ei els mauns dalla vischnanca da Tujetsch saviu far amortisaziuns da biebein 2,1 milliuns francs. La vischnanca obtegn 600 000 francs sco cumpart dil gudogn e varga 216 000 francs en fuorma da concessiun. Cun las atgnas ovras hydraulicas ha l'Energia alpina produciu igl onn vargau 14,9 milliuns uras kilowatt.

> PAGINA 3

Eivna da sculpturas

■ (anr/fa) Pella 22avla jada vain realisada dals 11 als 19 da gün a Sur En da Sent il Simposi internaziunala da sculptura. Ingon piglian part a quel trais artistas e 15 artists dad 11 pajais, dal Giapun, Kasachstan e l'Iran fin pro'ls pajais vaschins e la Svizra svesa. Nouv es quist on la cooperaziun da l'Art Engiadina chi organisescha il simposi cun Andreas Hofer da la Galleria H.Art a Tavo.

> PAGINA 11

Marcel Koller e siu team

Il camp da trenament dall'equipa austriaca muenta

■ (anr/abc) Quest'jamna ei l'equipa da ballapei dall'Austria en Surselva. Cuort avon l'Euro2016 en Frontscha san els seregenerar els Rocksresort a Laax e silla piazza a Schluen. Quest'jamna loschescha l'equipa da ballapei austriaca a Laax. Grazia al schefrenader Marcel Koller

che ha ina avdonza a Falera emprendan els d'enconuscher la Surselva. Il president communal da Schluen, Bruno Wellinger, ei loschs da hospitar ina squadra da tal renum. Buc il davos damai ch'ina roschada medias accompagna ils ballapedists austriacs. Damaun emetta la televisiun au-

striaca ORF schizun live il giug da ballapei denter la naziunala austriaca e l'emprema squadra dad US Schluen Glion. Ins sappi buca valetar avunda quella dimora e sias consequenzas, ha Wellinger manegiau.

> PAGINA 5



La dimora dall'equipa austriaca a Laax e Schluen muenta enorm las medias. FOTO A. BEELI



Servetsch d'abunents e da distribuziun: tel. 0844 226 226 mail: abo@somedia.ch